



:NNI INO



quinque ergo nunc anni sunt, cum *Gratiosissimis Auspiciis* e *Lipsiensi Lyceo Nicolaitano Schleusingam Hennebergicam*, & a *Conrektoris* munere, quo per biennium & ultra functus eram, ad voluendum hoc *faxum Sisyphium* & *Rektoratum Schleusingensem* abii; d. viii. April. A. M DC XCVI. vocatus, d. viii. Mai. confirmatus, & d. ix. Jun. a *Max. Reuerendo Viro, Dn. Frid. Ern. Meisio, Gymnasii spectatissimo Ephoro*, solenni inductus ritu. Ipsa vero vota, quae auspicalis sermo *de Ernestino monumento*, Gymnasio nimirum Saxo-Hennebergico (etenim **GEORGIUS ERNESTVS**, *Princeps Hennebergiae, b. m. A. M D LXXVII.* hanc illustrem condidit Scholam, visumque mihi est, ludo tam celebri attribui posse elogium a *Iulio Card. Mazzerini* datum Collegio in testamenti tabulis constituto seu *Gymnasio*, cum diceretur *monumentum Priol. XI. II.*) pro **SERENISSIMIS** cum primis **NVTRITORIBVS** & toto deinceps Gymnasio nuncupavit: ad salutem *tantorum NVMINVM* pertinere & perpetuitatem *fortunae Illustris Scholae*. An excidit vox illa ex *Plinii* aureo panegyrico publice iterum ac saepies repetita: *Non distringimus TE, DEVS, votis; non enim pacem, non concordiam, non securitatem, non opes oramus, non honores: simplex, cunctaque ista complexum, vnum omnium votum est: SALVS PRINCIPVM?* Pendetque a *salute horum* nostra salus & communis Gymnasii **FORTVNA**.

Quaquam porro omne omnino tempus perferendis huiusmodi ad **DEVM** precibus opportunum est, neque vlla, Maiorum sanctissimo ductu, intermissio fit pietatis, dum ita ordimur lectiones finimusque, ita preces ordinamus, vt ad dictum collineent scopum: fateri tamen heic licet, *festo praecipue Gregoriano*, quippe quod Scholasticum est, & Patronorum voluntates ad animum facit occurrere, laudanda hac pietate nos esse perfunctos, & per omnes *quinquennii dies Gregoriano Festo* sacros cogitandae **NVTRITORVM** *Clementiae* votisque pro *vlteriori fortuna* peculiariter Scholam adsueuisse. Quod inter *programmata* mea primum fuit in Actum Oratorium primum & *festo Gregoriano*, d. xvi. Jun. A. M DC XCVI. super *Laetitia Gregoriana III. Gymnasii*, *fortunam* demonstrat tam pulcro *laetitiae* nomine fuisse praec-